

讀史方輿紀要

湖廣



冊三十一

清史方輿紀要

卷一百一十五

地理

七

湖

廣

湖廣之形勝在武昌乎在襄陽乎抑在荊州乎曰以天下言之則重在襄陽以東南言之則重在武昌以湖廣言之則重在荊州何言乎重在荊州也夫荊州者全楚之中也北有襄陽之蔽西有夷陵之防東有武昌之援楚人都郢而強及郢郢亡而國無以立矣故曰重在荊州也何言乎重在武昌也夫武昌者東南得之而存失之而亡者也漢置江夏郡治沙羨劉表鎮荊州以江漢之衝恐為吳人侵軼於是增兵置戍使黃祖守之孫策破黃祖於沙羨而霸基始立孫權知東南形勝必在上流也於是城夏口都武昌武昌則今縣也而夏口則今日之武昌也繼孫氏而起者大都不能改孫氏之轍矣故曰重在武昌也何言乎重在襄陽也夫襄陽者天下之腰膂也中原有之可以併東南東南得之亦可以圖西北者也故曰重在襄陽也請得而備言之從來善用荊州者莫如楚楚都於郢而其爭中原也則在方城漢水之外是今日襄陽以北地矣西則以黔中巫郡隔得秦雍控扼巴蜀非今日歸州夷陵諸境乎東則越夏阨以迫陳蔡由夏州州來符離以通江淮非今日武昌黃蘄之郊乎是則全楚之形勝莫過於荊州也若夫用武昌者則莫備於江東孫氏都武昌非不知其危險堵確僅恃一水之限也以江夏迫臨江漢形勢險露特設重鎮以為外拒而武昌退處於後可從容而圖應援耳名為都武昌實以保江夏也未有江夏破而武昌可無事者晉人伐吳分遣一軍出夏口一軍出武昌此亦第徇吳人陪都之名而未權其實也東晉因之而武昌與夏口並重陶侃領荊州則鎮武昌庾翼領荊州則鎮夏口劉裕締造之初亦嘗以江沔未靖移荊州治夏口迨孝武時則增置郢州治焉郢州治而武昌乃歸重於夏口矣蓋郢州者所以分荆襄之勝而壓荆襄之口者也自此荆襄多事郢州實首當其鋒沈攸之以江陵發難不能下郢州不旋踵而敗亡蕭衍自襄陽而下則必爭郢州王僧辨自荊州而下則先入郢州隋人以夏首為陳氏之要衝唐人以郢州為江漢之重鎮皆昔郢州也及南宋之衰也襄樊陷兩郢傾而郢州之防急以伯顏之強狡不敢輕犯郢州者誠畏其險也及取郢州而東南遂不支矣是上流之形勝誠莫切於武昌也若夫襄陽者西晉用之則以亡吳蒙古用之則以亡宋次則西魏用之亦以亡梁苻堅之陷襄陽也不知襄陽之可以覆晉也西魏之擅襄陽也不知亡梁之資即覆陳之本也間嘗謂南國之周瑜有用襄陽之志而無其年

關壯繆有用襄陽之勢而無其智度異有用襄陽之識而無其力桓溫有用襄陽之力而無其誠南宋諸君子有用襄陽之言而無其事于岳武穆可謂聞其語矣見其人矣而又廢於說賊然則千百年來北人以襄陽并東南者有之矣南人未有以襄陽而清關洛者也要以襄陽為天下之要齊則自若矣客曰子聞之武昌水要也荊州路要也襄陽險要也今由子之言益信三郡之於楚如鼎足然殆未容以優劣視歟余曰三要之說亦未盡然子遂因之以三郡並較也襄陽殆非武昌荊州比也吳人之夏口不能敵晉之襄陽齊人之鄆州不能敵蕭衍之襄陽宋人之鄆州不能敵蒙古之襄陽矣昔人亦言荊州不足以制襄陽而襄陽不難於併江陵也三國爭荊州吳人不能得襄陽引江陵之兵以攻魏輒破於襄陽之下梁元帝都江陵而仇襄陽襄陽拔魏兵以來而江陵之亡忽焉魏人與蕭督以江陵而易其襄陽亦謂得襄陽而江陵之存亡我制之也五代時高氏保江陵賴中原多故稱臣諸國以延歲月宋師一逾襄陽而國不可立矣蒙古既陷襄陽不攻江陵而攻兩鄆也亦以江陵不足為我難也噫孫氏有夏口有江陵而獨不得襄陽故不能越漢江尺寸地晉人有襄陽矣乃謂漢水之險不及大江甚且輕戍江北重戍江南何其無志於中原也幸而是時北人無能用襄陽者耳彼襄陽者進之可以圖西北退之猶足以固東南者也襄陽而不守敵人踰險而南漢江上下罅隙至多出沒縱橫無後顧之患矣觀宋之末造孟拱復襄陽於破亡之餘猶足以抗衡強敵及其一失而宋祚隨之即謂東南以襄陽存以襄陽亡亦無不可也客曰然則國家省會之設何以不於襄陽而於武昌余曰此亦因已然之跡未究其本耳漢都長安而荊州首列南郡晉都洛陽荊州先治襄陽平吳之後政治江陵唐都長安而十道之設山南道則治荊州開元改置則山南東道治襄陽宋都汴梁分湖南北為兩路治江陵長沙後復增置京西南路治襄陽蓋天下之形勢視建都者為推移藩屏之疏密視建都之向背何如耳六朝南宋以中原既失僻在東南武昌不得不為重地元起於北方去東南最遠當伯顏之破襄鄆而東也宋人舉國以爭鄆州矣伯顏於是多方以圖之既得鄆州周覽山川以為江南要地亟請城之為規取江南基本其後因之而行省建矣偽漢通逃據為窟穴太祖克之仍為司治蓋既已定鼎金陵當混一之時而未忘東南之慮從金陵而論武昌王迷所云一有緩急駁奔不難者也然都卜宅以後亦惟成憲是遵又何改焉所謂因已然之迹而未究

其本者此也客曰然則襄陽可以為省會乎曰奚為不可自昔言祖中之地為天下膏腴誠引涇清之地通揚口之道屯田積粟鞠旅陳師天下有變隨而應之所謂上可以通關陝中可以向許洛下可以通山東者莫如襄陽由武昌而北非不足以叩三關動申蔡然而取道紆迴不如襄陽之徑且易也客又曰建國於東南襄陽亦可以為省會乎曰東晉時已僞置雍州於此矣昔人謂東南可以問中原者莫如襄陽晉之桓溫宋之隨王誕齊之曹虎陳顯達遠之戰於河洛之間近之爭於襄鄧之際惟其有襄陽也西魏因蕭瑒以取襄陽而東南之勢遂折而入於北襄陽在東南不後於武昌也然酌其中當設省會於武昌而建帥府於襄陽以全楚之資力供襄陽之指揮荊州引黔粵之儲西陵通巴渝之蓄而武昌集吳會之漕以持襄陵之後數千里間呼吸可通見服之隙必連乘之吾知天下之且在東南矣彼武昌者自守或有餘攻取或不足且夫陽邏既下而道出武昌之東門嘉魚可來而敵在武昌之南渚漢口之重兵吾虞其未可專恃矣至於夷陵險要自古所推而施州山川環結上田蕃衍隋唐以來皆為郡縣令等之於要荒矣竊謂夷陵建郡而以施州屬之增置屬邑南北相麗既以通楚蜀之援亦以厚巴夔之勢或亦國儲所當計及歟

讀史方輿紀要卷七十五

崑山顧祖禹景范輯著
南昌彭元瑞芸樞校定

錦里龍萬育燮堂校刊

湖廣一

禹貢荊及衡陽惟荊州荊荆山見襄陽府南漳縣周禮職方正南曰荊州

爾雅漢南曰荊州應劭曰荊強也言其氣辟春秋至戰

國並為楚地其在天文翼軫則楚分野秦併天下置南郡黔中長沙等郡漢武置十三州此亦為荊州漢其五溪地自

拓後漢因之初治武陵郡漢壽縣今常德府三國初分有其地北境屬魏西境屬吳其後蜀漢之地為吳所并晉亦置

荊州初治襄陽平吳後理南郡東晉初治武昌其後宋分置荊州治南郢州考建二年分荆湘江漢雍州治襄陽

治長齊並因之梁陳分割滋多不可殫折初陳時自江以北隋煬帝亦置荊州而不詳所統大業末為蕭銑所據唐平

之分屬山南今安陸荊州襄陽郡淮南今黃州德安漢陽江南今武昌岳州常德長沙衡州永州寶慶辰州郴州及

等道開元中又分置山南東治襄陽而常德府及岳江南西治豫章而武昌岳州黔中治今四川彭水縣而長州府

諸道後為荊南湖南南唐所據宋初為湖南治潭湖北治江及京西路今安陸襄陽鄖陽及德安之隨州皆後又增置

京西南路治襄陽元始置湖廣等處行中書省治武後為陳友諒所據明初平之仍置行省洪武九年改置湖廣等處

承宣布政使司領府十五直隸州二屬州十四屬縣一百有八總為里三千四百八十有奇夏而銜所參列其中今

仍為湖廣布政使司

武昌府房州一縣九

江夏縣附郭武昌縣

嘉魚縣

蒲圻縣

咸寧縣

崇陽縣

通城縣

興國州

大冶縣

通山縣

漢陽府屬縣二

漢陽縣附郭漢川縣

黃州府 屬州一 縣八

黃岡縣 附郭 麻城縣

黃坡縣

黃安縣

蘄水縣

羅田縣

蘄州

廣濟縣

黃梅縣

承天府 屬州二 縣五

鍾祥縣 附郭 東山縣

潛江縣

荊門州

當陽縣

沔陽州

景陵縣

德安府 屬州一 縣五

安陸縣 附郭 雲夢縣

應城縣

孝感縣

隨州

應山縣

岳州府 屬州一 縣七

巴陵縣 附郭 臨湘縣

華容縣

平江縣

澧州

安鄉縣

石門縣

慈利縣 永定九谿諸街所附見

荊州府 屬州二 縣十一

江陵縣 附郭 公安縣

石首縣

監利縣

松滋縣

枝江縣

夷陵州
長陽縣
宜都縣
遠安縣
石首縣
監利縣
枝江縣
荊江縣

長陽縣
宜都縣
遠安縣

興山縣
巴東縣

襄陽府
屬州一
縣六

襄陽縣
附郭
宜城縣
南漳縣
棗陽縣
穀城縣
光化縣

均州

鄖陽府
屬縣七

鄖縣
附郭
房縣
竹山縣
竹谿縣
上津縣
今省
鄖西縣
保康縣

長沙府
屬州一
縣十一

長沙縣
附郭
善化縣
附郭
湘陰縣
湘潭縣
瀏陽縣
醴陵縣
寧鄉縣
湘鄉縣

攸縣
安化縣
益陽縣

茶陵州

常德府
屬縣四

武陵縣
桃源縣
龍陽縣
沅江縣

衡州府
屬州一
縣八

衡陽縣
附郭
衡山縣
耒陽縣
常寧縣
安仁縣
邵縣

桂陽州

臨武縣
藍山縣

永州府
屬州一
縣六

零陵縣附郭祁陽縣東安縣

道州

寧遠縣江華縣永明縣

寶慶縣屬州一縣四

邵陽附郭新化縣城步縣

武岡州

新寧縣

長州府屬州一縣六

沅陵縣附郭盧溪縣長溪縣淑浦縣

沅州

黔陽縣麻陽縣附見

直隸郴州屬縣五

永興縣宜章縣興寧縣桂陽縣桂東縣

直隸靖州屬縣四

會同縣通道縣綏寧縣天柱縣

施州軍民府大司所及宜撫安撫長官諸司俱附見

永順宣慰司南渭等縣州及長官司俱附見

保靖宣慰司五寨等長官司附見

東距潯陽

潯陽今九江府自黃蘗而下則九江為都會

南連嶺嶠

五嶺之在南境者凡三一曰騎田嶺五嶺從東第二嶺也一名臘嶺亦曰黃岑山亦曰黃霜山在郴州南三十六

里嶺高二十九里周迴三百八十一里一曰都龐嶺五嶺從東第三嶺也亦名永明嶺在永州府道州永明縣北

五十里連亘羣山高險殊絕又名揭陽嶺統志桂陽州藍山縣南九十里黃葉山本名都龐山與廣東連州

此於五嶺東西之次似令然永明在分界此為五嶺之一本經注都龐嶺在南平縣界藍山縣即故南平也

北而江華在南次第似亦無嫌牽誤一曰吐渚嶺五嶺從東第四嶺也亦名白芒嶺在道州江華縣西水經注謂

渚嶺有萌渚之水出焉其山多錫亦謂之錫方自畛田嶺而東則為大庾嶺接廣東南雄府江西南安府界自吐

渚嶺而西則為臨源嶺接廣西桂林府界橫絕南北不啻千里上風迥別寒燠頓殊秦王翦降百越以謫戍五萬

人守五嶺誠天地之闕隔矣五嶺詳見廣東北界

西據三峽詳見西

三峽起自四川夔州府奉節巫山二縣之東達於歸州襄陵州之西連山疊嶂隱天蔽日凡六七百里

北帶漢川詳見西

漢水亘楚地之中曰北帶指襄陽以北而言也自漢而北即河南及陝西之境

其名山則有衡山

衡山在衡州府衡山縣西北三十里五嶽之一也舜典五月南巡狩至於南嶽禹貢岷山之陽至於衡山周禮職

方荊州鎮曰衡山史記秦始皇二十八年度淮水之衡山自漢武移南岳之名于霍山隋文帝始復以衡山為南

岳唐六典江南道名山曰衡岳至德二年李泌請歸隱衡山從之今煙霞峯旁有烟柯樹名山上承翼軫鈴總

萬物故名衡山度應三衡位直離宮故曰南岳其山高四千一十丈長沙志作盤繞八百里有七十二峯十洞十

五巖三十八泉七十五谿九池九潭九井又有九而峯之最大者五曰祝融紫蓋雲密石廩天柱荆州記又云衡

蓋石廩芙蓉也其芙蓉峯上有飛泉瀑布下灌田畝而祝融又為之冠道書以為二唐盧載所云十二峯中最髙者也峯之巔有風穴有雷

池自紫蓋峯以下各有巖洞泉壑之勝而天柱峰形如雙柱屹然聳拔九域志名山三百六十有八柱此為第六

柱五峰而降其在衡山縣境者凡五十五峯祝融芙蓉雲密紫蓋石廩天柱諸峯皆峯之大者此外又有碧雲香

故不詳列而在衡陽縣境者凡七峯在長沙府湘鄉相潭善化縣境者凡十峰共為七十二峰也徐靈期曰回鴈為南

岳之首回鴈峯見衡陽縣嶽麓為南岳之足嶽麓峯見衡陽縣衡山蓋踰長沙衡州二郡之境矣邵璞三衡山別名岫嶽今岫嶽峯見衡陽縣

九疑

九疑山在永州府道州寧遠縣南六十里衡郡志云在衡州府桂陽州藍山縣西南五十里蓋山接衡水之界也

太史公曰舜崩於蒼梧之野葬於江南九疑故老相傳舜嘗登此秦紀始皇三十七年行至雲夢望祀虞舜于九

疑漢武元封五年亦望祀焉郭璞云其山九殆皆相似酈道元曰九疑山盤基蒼梧之野峰秀數郡間羅巖九巖

各道一溪岫壑負阻其嶺同勢遊者疑焉故曰九疑元結曰九疑山方四百里衡永郴道四州各近一隅九峯各

道一溪四水流灌於南海五水北注於洞庭孔穎達曰九疑即蒼梧山也胡氏曰九疑蒼梧蓋兩據合而言之誤檀弓云舜葬于蒼

梧之野謂此文穎曰九疑山蓋半在蒼梧半在洞庭九峯一曰朱明志以為二曰石城池水三曰石樓源水四曰娥皇池水五曰舜

原亦曰華蓋源水蓋九峰之中峰也六曰女英源水九疑之第六峯也七曰蕭韶源水八曰桂林源水九曰杞

林源水九疑山志朱明峯蕭韶峯各去舜峰西十五里石城峯桂林峯各去舜峰北十五里石樓峯在舜峰

東三十里娥皇峰在舜峰西四十六里女英峰在舜峰西五十里杞林峰去舜峰西六十里而舜原峰正當竄遠

之南有三峰鼎立相去各五里高接雲漢上有飛泉蹊徑險絕人跡罕至其下則衆山環合如列屏然九疑為南

大別

大別山在漢陽府城東北百步漢江兩岸江水逕其南漢水從西北來會于大別之東南禹貢內方至於大別又

漢水至于大別南入于江左傳定四年吳師伐郢楚子常濟漢而陳自小別至于大別小別山見漢川縣一山之左即是漢

口諸州國經漢水東行觸大別之陂南與江合是也三國初曹魏定荊州以文聘為江夏太守守沔口吳軍

來攻不克後吳人得之嘉禾中陸遜諸葛瑾戍守於此東晉初荊州賊王貢敗陶侃將朱伺於沔口皆大別山下

也山亦名翼際山又名魯山志曰山有魯肅寺因名司馬

也山亦名翼際山又名魯山志曰山有魯廟寺因名司馬大別山土人為之畝山杜佑曰魯山三國南北之際必爭之地也東晉元興末

桓元餘黨桓振等復據江陵劉毅進討至夏口振遣其黨馮該守東岸孟仙圖據魯山城桓仙客守偃月壘水在

泚水陸相援毅自攻魯山城劉道規攻偃月壘何無忌逼中流二城皆潰該走石城石城見宋昇明初沈攸之舉

兵江陵討蕭道成分兵出夏口據魯山既而攸之攻郢城不克郢城即夏口帥眾過江至魯山軍遂大敗齊末蕭

衍舉兵襄陽東昏侯使郢州刺史張仲守郢城又使房僧寄守魯山眾議欲引兵圍郢衍曰魯山與郢城為犄角

若悉眾前進魯山必阻我汭路搃我咽喉糧運不通自然離散矣遂分軍圍郢城自圍魯山魯山尋降郢城亦下

梁大寶二年侯景攻巴陵不克遁還留其黨丁和等守郢城支化仁鎮魯山繼而王僧辨出漢口次第攻拔之遂

引兵東下陳天嘉初王琳據江郢諸州附於齊齊人守魯山為郢城聲援及琳敗郢州歸陳齊人棄城走陳因置魯

山郡守之明年以郡賂周周人以為重鎮大建十二年周司馬消難以汭南地及魯山等鎮來降尋復為周所得

光大中華皎以湘州降周周遣衛公直等應之直軍魯山使別將率步騎圍陳郢州隋末蕭銑置郢州於魯山唐

武德四年其郢州刺史雷長頴以魯山來降於是江表悉定夫魯山江漢之鎖鑰也共與郢城形援密邇齊梁以

來以重兵屯郢城又于魯山置鎮控扼要害魯山之險即郢城之險也一旦有事未有偏受其害者唐六典淮南

道名山曰大別五代梁開平二年荆南高季昌遣兵屯漢口絕楚人朝貢之路蓋大別之下偏師守之足以橫絕

南北也居胡曾過大別山詩云思望鐵鎖真見哉誰為吳王畫此蓋山北下有鎖穴也又元周睦賦云繫大別之為山鎮南北之要衝杜荆鄂之形勝俯江漢之朝宗時以為實錄

其大川則有江水

江水自四川巫山縣流入界經巴東縣及歸州之北又東至彝陵州南宜都縣北而歷枝江縣松滋縣之北又歷

荊州府城南至公安縣石首縣之北又經監利縣南及華容縣東北而至岳州府之北又經臨湘縣北而東北流

過嘉魚縣西又北至漢陽府城東武昌府城西而會於漢水復北折而東歷武昌府北黃陂縣南又東歷黃州府

南武昌縣北又經蘄水縣及蘄州城南與國州之北又東南歷廣濟縣黃梅縣之南而東入江南宿松縣界江之

南岸即江西德化縣界矣自西而東回環境內者約千八百里自昔南北相爭公江上下所在皆險蓋不特楚地

之襟要又為吳會之上游也今詳見川瀆異同

漢水自陝西白河縣流入界經鄠陽府城南又歷均州及光化縣之北穀城縣之東又東至襄陽府城北折而東南經宜城縣之東又南經安陸府城西荆門州之東復東南出經潛江縣北及景陵縣南又東歷沔陽州北及漢川縣南至漢陽府城東北大別山下會于大江禹貢荊州江漢朝宗于海詩滔滔江漢南國之紀左傳楚漢水以為池又曰江漢睢漳楚之望也史記楚世家昭王曰先王受封望不過江漢夫楚之初漢非楚境也故屈完對晉桓云昭王之不復君其問諸水濱自楚武伐隨軍于漢淮之間自是漢上之地漸規取之矣吳之伐楚也與楚夾楚之有漢猶江左之有淮唇齒之勢也漢亡江亦未可保人孫氏曰國于東南者保江淮不可不知保漢以東南而問中原者用江淮不可不知用漢地勢得也水利考曰漢之患多在襄水江之患多在荊州九江之患多在常而亦治水之法也後世凡既變水流蓋亂惟恃堤防以捍衛流苟免滄溺復因而為之利紆回壅障以役田作塞之至急者為文渠使有所游蕩如賈讓治河所謂詳見川瀆異同

湘水

湘水出廣西興安縣南九十里之海陽山其初出處曰靈渠流五里分為二派志云有分水嶺流而南者曰漓水流而北者曰湘水漓離也言遠湘而南湘相也言有所合也湘水東北流經全州城南有灌水合焉又東北流入境經永州府東安縣南至府城西南府城引而北有瀟水會焉又經祁陽縣東而入衡州府常寧縣西北境又經府城南引而東北有蒸水會焉又經衡山縣東而北流入長沙府湘潭縣境過縣西至府城西環城而下過湘陰縣西又北而達青草湖注於洞庭湖地理志湘水過郡二零陵長行二千五百三十里水經注湘水出陽海山陽海山即海山巴邱山入江吳蜀分荊州以湘水為界長沙江夏桂陽以東屬吳南郡零陵武陵以西屬蜀湘水實資于故鄣

矣時又置閘水上以通商旅謂之相閘建安二十四年閘羽得自其合瀟水而言之則曰瀟湘自其合沅水而言之則曰沅湘自其下洞庭會沅水而言之則曰沅湘實同一湘水也

沅水

沅水出四川遵義府境班固曰沅水出牂牁郡故且蘭縣東北是也近志曰沅水出貴州鎮遠府境今攸沅水本無其名沅水過沅州城南又逕黔陽縣城南又東接靖州會同縣西界東北流經辰溪縣北盧溪縣南又過辰州府城南東北至常德府桃源縣南又東逕常德府城南龍陽縣北至沅江縣之西南而注於洞庭湖其地名地志沅水東北至益陽入江今沅江縣本長沙益陽地也過郡二謂靖州行二千五百三十里楚辭濟沅湘以南征淮南子楚地

南卷沅湘太史公浮沅湘蓋楚地南境之水莫大於沅水也漢建武二十三年武陵蠻反遣劉尚將兵泝沅水入武谿擊之敗沒武谿見今辰州以西五谿諸水皆附沅水而達於洞庭蓋水流深險溪蠻依以為阻也近志湖北

之水常德辰靖見以沅水為宗云

瀘水九江見

瀘水出靖州綏寧縣東南百里之唐料山班固曰瀘水出都梁之路山鄴道元曰即唐料山矣山本在武岡州西

同漢都瀘水東北流經寶慶府武岡州北又經府城北邵水會焉或謂之邵江北流至新化縣東而入長沙府安化縣境逕縣西又東北出益陽縣南寧鄉縣北而入常德府沅江縣西南境注于洞庭湖地理志瀘水過郡二謂

澧水長行千八百里今其水紆曲行多灘險按禹貢言九江孔殷許慎曰九江沅漸漁辰淑西澧瀘湘也今考漸水在常德府武陵縣合于沅江瀘水在沅州城西亦入沅江漢志注無水首受故且蘭南辰水則在辰州府沅陵城

東入沅江酉水亦在沅陵城西入沅江而淑水則在辰州府淑浦縣西亦北流入沅江惟澧水出岳州府澧州慈利縣西三十里之歷山經縣北又東逕石門縣南至州城南謂之蘭江又東逕安鄉縣華容縣南而入洞庭湖唐志

景龍三年澧禹貢所謂東至于澧是辭所稱澧浦者是也漢志澧水東至長沙下鳥縣入沅過郡二行千二百里水溢害稼百餘里或云澧水自安鄉縣東南流會于常德府沅江縣之沅水云然則所云九江者惟四江達于洞庭耳近志曰九江四在湖南瀘湘相瀘也五

在湖北沅澗漸長西也以澧水為不在九江之數恐誤然瀟水亦湘水支川耳其會眾川以入洞庭者于東則湘水為宗于西則沅水為長而出于二水之中者瀘水為雄由是而北庶幾以澧水為君矣

沮水漳水附

沮水出鄖陽府房縣西南二百里之景山東南流經襄陽府南漳縣南境又南逕荊州府夷陵州之遠安縣東而入安陸府荊門州界至當陽縣北又東南合於漳水漳水出南漳縣南境之廢臨沮縣南山海經荊山漳水出焉水經注出臨沮縣東南南經當陽縣北又東南與沮水合流達縣南之沱江至荊州府枝江縣而入大江沮本作睢左傳定四年吳人敗楚及郢楚子出涉睢又哀六年楚子所謂江漢睢漳者也後從沮又諱為沮音口今襄陽以南沮水左右地皆曰沮中亦謂之沮中後漢建武二十三年南郡蠻反劉尚討破之杜佑曰潯山蠻也潯亦作相即相中蠻矣或曰緣

沔諸山蠻也襄陽記相中在上黃界內今南漳境去襄陽一百五十里魏時夷王梅敷兄弟部曲萬餘屯此分布在

中廬宜城西山鄢沔二谷中中廬見南漳縣志土地平曠宜桑麻有水陸良田蓋相中者沔南之膏腴沃壤也故臨沮上黃

縣皆沮郡縣志南漳縣東北一百八里有相山吳朱然諸葛瑾從沮中乘山險道北出處也按吳志赤烏四年朱然圍樊諸葛瑾取相中又朱然傳赤烏五年征相中九年復征相中殺掠數千人而還或云司馬懿鑿八疊山間路於此停相因名八疊山

亦見南漳縣志魏志正始四年諸葛瑾攻沮中司馬懿曰沮中民夷十萬隔在水南逆救却之何承天謂襄陽之屯民居星散司馬懿謂宜徙沔南以寬水北曹爽不用果亡沮中者也又王基言荊州有沮漳二水溉灌膏腴之田以千

數安陸左右陂池沃衍若水陸並農以實軍資然後引兵詣江陵夷陵分據夏口順沮漳瀘水浮穀而下吳可滅也又景元二年襄陽太守胡烈表言吳將鄧由李光等十八屯同謀歸化欲令郡兵臨江迎援詔荊州都督王基

逕造沮水迎之不果晉隆安五年桓元移沮漳蠻二千餘戶于江南立武甯郡治編更招集流民立綏甯郡治長門州元敗其黨桓謙匿于相中復作亂蓋相中水陸紆險蠻蠻錯處故也自唐以來沮漳之水皆自江陵西入江宋

洞庭湖

詳見江陵縣

洞庭湖在岳州府城西南一里或謂之九江禹貢九江孔殷又云過九江至於東陵山海經洞庭乃沅澧之交瀟湘之湖夏秋水漲方九百里

許慎云九江即洞庭也沅漸漁辰淑西澧瀆湘九水皆合於洞庭中東入江故名九江或謂之五渚戰國策秦破

荆襲郢取洞庭五渚又蘇代曰乘夏水下漢四日而至五渚裴駰云五渚在洞庭沅澧瀆湘四水自南而入荆江

荆襲郢取洞庭五渚又蘇代曰乘夏水下漢四日而至五渚裴駰云五渚在洞庭沅澧瀆湘四水自南而入荆江

北百里周迴二百六十五里自冬至春青草彌望水溢則與洞庭混而為一矣洞庭之西則有赤沙湖湖在巴陵

縣西百里在常德府龍陽縣東南三十里周迴百七十里當夏秋水泛則與洞庭為一湖時惟見赤沙彌望而洞

庭周迴三百六十里南連青草西吞赤沙橫亘七八百里謂之三湖又或謂之重湖重湖者一湖之內南名青草

北名洞庭有沙洲間之也祝穆曰青草湖一名巴邱湖北連洞庭南接瀟湘東納汨羅之水自昔與洞庭並稱然

而巴邱實為通稱矣後漢志巴邱江南之雲夢也郭璞亦言雲夢巴邱湖是也則巴邱又兼有雲夢之名舊志曰

巴邱湖當沅湘之會表裏山川寔為險固羣蠻所據也則洞庭即為巴邱矣志又云洞庭太湖也廣圖五百餘里

日月若出沒于其中吳起曰三苗之國在洞庭右彭蠡莊子黃帝張咸池之樂于洞庭之野楚辭遭吾道兮洞庭

後漢南蠻傳吳起相悼王南并蠻越遂有洞庭蒼梧是也洞庭湖中有君山亦名洞庭山在岳州府西

六十里巴陵志湘君所遊故曰君山唐武德四年李靖攻蕭銑曰蕭銑之地南出嶺表東距洞庭天復二年淮南

將李神福攻杜洪於鄂州荆南師成汭引舟師來救神福遣軍逆擊之于君山大破之後唐天成三年吳將苗瑋

等將水軍攻楚岳州至君山楚將許德勲禦之潛軍角子湖一名滄湖使別將絕吳歸路吳師遂遂擊擒之宋崇

寧四年詔開修青草洞庭直河紹興五年岳飛討楊公于洞庭伐君山木為大筏塞諸汭港擒公斬之今道出湖

湘間者必問津于洞庭洞庭吐納羣川而大江西來橫亘其口每歲六七月間岷峨雲消水暴漲自荆江逆入洞庭

清流為之改色渡湖而南則由長沙而之嶺海湖濶二百里渡湖而西則出常德而道瀟黔湖濶二百五十里渡

湖而西北則入澧州而取逕于荆州常德之間湖濶亦二百里誠荆州之巨浸矣

其重險則有夏口